

**Bosna i Hercegovina
Federacija Bosne i Hercegovine
Zeničko-dobojski kanton
Ministarstvo za obrazovanje, nauku, kulturu i sport**

Na osnovu člana 16. stav 1. i člana 17. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), ministar Ministarstva za obrazovanje, nauku, kulturu i sport Zeničko-dobojskog kantona

**PONIŠTAVA OGLAS
ZA IMENOVANJE NA ČLANA UPRAVNOG ODBORA UNIVERZITETA U ZENICI
objavljen u „Službenim novinama Federacije BiH“, broj: 1/20 od 08.01.2020. godine, u dnevnom listu
„Oslobođenje“ od 03.01. 2020. godine i na web stranici Vlade Zeničko-dobojskog kantona**

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), i člana 17.a Zakona o Javnoj ustanovi Univerzitet u Zenici – Prečišćeni tekst – („Službene novine Zeničko-dobojskog kantona“, broj: 01/18 i 10/18), a u skladu sa Odlukom o utvrđivanju Standarda i kriterija Vlade Zeničko-dobojskog kantona za imenovanja/nominiranja na upražnjene pozicije u reguliranim tijelima Zeničko-dobojskog kantona („Službene novine Zeničko-dobojskog kantona“, broj: 4/15, 07/15 i 11/16), ministar Ministarstva za obrazovanje, nauku, kulturu i sport Zeničko-dobojskog kantona raspisuje

**PONOVNI OGLAS
ZA IMENOVANJE NA MJESTO ČLANA UPRAVNOG ODBORA
UNIVERZITETA U ZENICI**

Oglašava se upražnjeno mjesto u Upravnom odboru Univerziteta u Zenici

– član Upravnog odbora iz reda osnivača 1 (jedan)

Imenovanje na upražnjeno mjesto člana u Upravnom odboru Univerziteta u Zenici vrši se do isteka mandata već imenovanih članova.

Opis upražnjenog mjesta člana Upravnog odbora

Učestvuje u obavljanju poslova Upravnog odbora koji su mu Zakonom o visokom obrazovanju („Službene novine Zeničko-dobojskog kantona“, broj: 6/09, 9/13, 13/13, 4/15, 5/18 i 4/19), Zakonom o Javnoj ustanovi Univerzitet u Zenici-Prečišćeni tekst, i Statutom Javne ustanove Univerzitet u Zenici, utvrđeni kao nadležni poslovi, a naročito: donosi Statut Univerziteta, opći akt o unutrašnjoj organizaciji i sistematizaciji radnih mjesta i drugih općih akata u skladu sa zakonskim propisima i Statutom, donosi odluku o osnivanju drugih pravnih lica shodno zakonu i Statutu, donosi konačnu odluku o izboru i razrješenju direktora Studentskog centra, utvrđuje planove finansiranja i razvoja Univerziteta, donosi godišnji programa rada, usmjerava, kontrolira i ocjenjuje rad rektora, odgovara Osnivaču za rezultate rada Univerziteta i podnosi izvještaj Osnivaču o poslovanju Univerziteta.

Mandat članova Upravnog odbora Javne ustanove Univerzitet u Zenici je četiri godine s mogućnošću još jednog uzastopnog izbora.

Opći uvjeti koje kandidat treba da ispunjava:

Opći uvjeti za imenovanja/nominiranja na upražnjeno mjesto u reguliranim tijelima Kantona su:

a) da je državljanin Bosne i Hercegovine,

- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- d) da se na njega ne odnosi član IX.1. Ustava Bosne i Hercegovine,
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 12/03, 34/03 i 65/13),
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije Bosne i Hercegovine", broj 70/08),
- g) da nema privatni i/ili finansijski interes u instituciji u kojoj se kandiduje,
- h) da nije osuđivan za krivično djelo nespojivo sa imenovanjem na dužnost u instituciji u koju se kandiduje, pet godina od dana pravosnažnosti presude, isključujući vrijeme zatvorske kazne,
- i) da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri,

Dokaz da kandidat nije osuđivan za krivično djelo od nadležnog Ministarstva unutrašnjih poslova službeno će se tražiti za kandidate koji budu predloženi za konačna imenovanja.

Posebni uvjeti za imenovanje/nominiranje:

Posebni uvjeti za imenovanje/nominiranje člana Upravnog odbora Javne ustanove Univerzitet u Zenici iz reda osnivača su:

- a) VSS, VII stepen stručne spreme, dokaz o završenom visokom obrazovanju, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja,
- b) najmanje 5 godina radnog iskustva nakon sticanja visoke stručne spreme,
- c) da nije član nadzornog ili upravnog odbora, odnosno odbora za reviziju u više od jednog privrednog društva ili institucije,
- d) komunikacijske i organizatorske sposobnosti,
- e) sposobnost tumačenja ekonomskih, tehnoloških i pravnih analiza i propisa,
- f) rezultati rada ostvareni tokom poslovne karijere.

Prilikom procjene posebnih uvjeta, kriteriji navedeni pod tačkama od d) do f) izrazit će se u bodovima od 1-5.

Uz prijavu na Oglas, koja treba sadržavati kraću biografiju, adresu i kontakt telefon, kandidati su dužni priložiti original dokumente ili ovjerene kopije dokumenata o ispunjavanju uvjeta Oglasa, i to:

- izvod iz matične knjige rođenih, ne stariji od šest (6) mjeseci;
- uvjerenje o državljanstvu Bosne i Hercegovine, ne starije od šest (6) mjeseci;
- dokaz o stručnoj spremi;
- dokaz o radnom iskustvu nakon završene VSS spreme;
- dokaz da nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri izdat od nadležnog općinskog suda, prema mjestu prebivališta i ne starije od šest (6) mjeseci;
- ovjerene izjave kandidata za zahtjeve iz alineje c, d, e, f, g, h, i Općih uvjeta, navedenih u Oglasu;

- ovjerene izjave kandidata za zahtjeve iz alineje c Posebnih uvjeta navedenih u Oglasu.

Napomena:

Dokaz da kandidat nije osuđivan za krivično djelo od nadležnog Ministarstva unutrašnjih poslova službeno će se tražiti za kandidate koji prođu užu konkurenciju.

Kandidati mogu uz prijavu na Oglas dostaviti preporuku ranijeg neposrednog rukovodioca, ako preporuku imaju.

Podnosioci prijave s kojima se ne stupa u kontakt u roku od deset (10) dana od isteka roka za podnošenje prijave, neće biti uzeti u razmatranje u daljem procesu kandidiranja.

Svi kandidati koji budu stavljeni na listu užeg izbora bit će pozvani na intervju pred Komisijom za izbor na upražnjeno mjesto u reguliranim tijelima Zeničko-dobojskog kantona. Prije intervjua kandidati su dužni dati podatke o ranijim neposrednim rukovodiocima od kojih se mogu dobiti preporuke i informacije o kandidatima.

Prilikom pozivanja kandidata na intervju, svaki kandidat koji uđe u užu izbor popunit će obrazac neposredno prije intervjua u kojem će navesti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Lični podaci o podnosiocima prijave su tajni i mogu se prikupljati i obrađivati samo u skladu sa Zakonom o zaštiti ličnih podataka („Službeni glasnik BiH“, broj: 49/06, 76/11 i 89/11).

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje. Prigovor se podnosi Ministarstvu za obrazovanje, nauku, kulturu i sport Zeničko-dobojskog kantona, a kopija se dostavlja Ombudsmenu Bosne i Hercegovine.

Oglas će biti objavljen u jednom od dnevnih listova, „Službenim novinama Federacije Bosne i Hercegovine“ i na web stranici Zeničko-dobojskog kantona: www.zdk.ba.

Oglas ostaje otvoren 15 dana od dana objavljivanja u „Službenim novinama Federacije Bosne i Hercegovine“.

Neblagovremene i nepotpune prijave neće se uzeti u razmatranje.

Prijave sa traženim dokumentima dostavljaju se u zatvorenim kovertama, lično na protokolu kantona ili preporučeno poštom na adresu:

Zeničko-dobojski kanton
Ministarstvo za obrazovanje, nauku, kulturu i sport
Komisija za izbor na upražnjeno mjesto u
reguliranim tijelima Zeničko-dobojskog kantona
Kučukovići broj 2
72 000 Zenica
uz naznaku:
**„Prijava na Oglas za izbor člana Upravnog
odbora JU Univerzitet u Zenici -ne otvarati“**